

**2018KO AZAROAREN 29AN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Hogeita bederatzia.

HILABETEA: Azaroa .

URTEA: Bi mila eta hemezortzi

HASIERAKO ORDUA: Arratsaldeko zazpiak.

BATZARRALDIAREN IZAERA: Ohikoa.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

UDALBURUA: AITOR ALDASORO ITURBE

BILDUAK:

EAJ-PNV udal taldekoak:

LEIRE ARTOLA UGALDE
MALU VALLES FERNANDEZ
XABIER MATARRANZ RICO
ENKARNI ARRIETA TELLERIA
JON OLANO ARRESE
ELENA RUIZ ZABALA
NEKANE ZALDUA ESNAOLA
MIREN ARANTXA ZUFIAURRE GOIKOETXEA

Beasaingo EH BILDU udal taldekoak:

KOLDO AGIRRE MUJICA
AITOR LARBURU IZAGUIRRE
MIREN AMAIA BARANDIARAN VELEZ DE MENDIZABAL
AITOR MARTIN URTEAGA OSINALDE
ZEZILIA HERRADOR GARIN
JOSEBA MIKEL OLANO GUEMBE

Socialistas Vascos-Euskal Sozialistak udal taldekoak:

ANGEL REDONDO FERNANDEZ

EZ DA ETORRI:

SANTIAGO URDAMPILLETA DOS SANTOS

IDAZKARIA: ITZIAR AROSTEGI APAOLAZA

Bileran, LURDES ALEGRIA LASA, kontuhartzaileak ere, parte hartzen du. Baita ere, Aitziber Yurrebaso andreak bat-bateko itzultzaile lanetan.

1.- AURREKO AKTA. 2018ko urriaren 25eko onartzeko proposamena.

2018ko urriaren 25eko aktaren berri eman ondoren, aho batez onartu da berarekiko alaketarik ez dagoelako.

2.- ALKATEAREN PROPOSAMENAK:

a.- 2019rako aurrekontua. Onespen proposamena.

Alkateak ondorengo proposamenaren berri eman du:

“Gipuzkoako Lurralde Historikoko Toki Erakundeen Aurrekontuei buruzko, abenduaren 19ko, 21/2003 Foru Arauaren 14.4 artikuluan xedatutakoaren arabera, Alkatetza honek 2019 urterako Aurrekontu Orokorra osatu du. Hori dela eta, Udalbatzaren onespenerako aurkezten da ondorengo akordio proposamena:

Lehenik.- 2019 urterako Aurrekontu Orokorren espedientea onartzea:

- Udalaren aurrekontu propioa: <i>Presupuesto propio del Ayuntamiento</i>	16.062.725,35 €
- Fundazioa: Udal Kirolaren Erakundeko aurrekontua: <i>Presupuesto Fundación: Instituto Municipal del Deporte</i>	792.289,50 €
- Beasaingo Loinatz Musika Eskolako aurrekontua: <i>Presupuesto Beasaingo Loinatz Musika Eskola</i>	716.286,40 €
- Beasaingo Udal Euskaltegiko aurrekontua: <i>Presupuesto Beasaingo Udal Euskaltegia</i>	426.152,00 €
- Beasain Lantzen, S.A. likidazioan: <i>Presupuesto Beasain S.A. en liquidación</i>	33.700,00 €
- Aurrekontu Bateratua <i>Presupuesto Consolidado</i>	16.690.036,82 €
- Konpromiso-kredituak (2.020, 2.021): <i>Créditos de compromiso (2.020, 2.021)</i>	123.420,00 €

Bigarren.- Aurrekontua Gauzatzeko Udal Araudiaren aldaketa onartzea

Hirugarren.- 15 egun Jendaurrean jartzea eta epe horretan erreklamaziorik aurkeztzen ez bada behin-betirako onartutzat emango da. Bestela, Udalbatzak hilabeteko epea izango du dagokiona ebazteko.

Jarraian ondorengoa azaldu du: “Esan aurrekontua osatzen duten kapitulu guztiak orekatuta daudela, hasierako defizitarik gabe, legeak agintzen duen moduan. Aurrezki garbia, 2.090.795,10 €koa da eta horri esker 1.933.866,80 €ko inbertsioak aurreikusi ditugu. Lurzoru legeak esaten du 1. eta 2. sarreraren kapituluaren batuketa osoaren %10 baino gutxiago ezin izango dela aurrekontuan aurreikusten dena lurzoru ondarrerako. %10eko kopuru hori 400.381,60 €koa da baina, inbertsio hauekin: Ikastetxeetan inbertsioak egiteko 50.000,00 € aurreikusi dira, lokalen erosketarako 300.000,00 € eta Olaranerako 85.000,00 €, portzentaje hori gainditzen dugu. Egonkortasun legeari dagokionez esan, zor publikoaren helburua eta gastu araua ere betetzen direla. 2019ko amaieran, zorraren egoera udalean, 2. 255.618 €koa izango da (lehengo urtearekin alderatuta, 451.135,64 € amortizatu ditugu) eta zorpetze maila %2,7a da. Konpromisozko kredituak 2020. 2021. ekitaldietarako Egitasmo Orokorrearako gorde ditugunak dira.

Aurrekontuaren edukiari buruz esan, beste urteetan bezala, enpleguari eta ekonomiari argia jarri nahi diogula. Beraz, enplegu planarekin jarraituko dugu eta ekintzailetza sustatzeko aukera eman nahi da. Azoka berezia indartu eta dinamizatu nahi da eta Ezkiaga auzoan azterketa egin nahi da azoka jartzeko tokiko baserritarrek. Merkataritzarekin apustu berezia egin nahi da eta erosteko aplikazio bati bultzada emango zaio, bertako gazteek sortu eta landutakoa. Baita ere aztertuko dugu konsigna digitalak non jarri daitezken. Herriarren ongizatea eta zahartze aktiboari ere bere tokia egin diogu eta behar gehiena dutenentzat, zerbitzua mantentzeaz gain behar berri horiei emateko 745.000,00 €ko hiru partida gehitu dira. Etxez etxeko laguntza %15eko igoera proposatzen dugu, etxebizitza babestuetarako %10ekoa eta esku hartze familiarrean adin txikikoak dituztenentzat %20koa. Bestaldetik 80 urtetik gorako pertsonen etxebizitzetan, ke detektagailuak jartzeko proposamena ere ba dago. Horrezaz eta EH BILDUK ere proposatuta gain adineko pertsonen diagnostikoa egiteko eta dituzten beharrak detektatzeko (bakardade, elikadura, irisgarritasuna arazoak etab.), kontusaila aurreikusi da. Prebentzio kanpainak ere jarraituko dute, ONCEren elkarlanean Joan XXIII kalean, itsuentzat lehen semaforoa jartzeko proposamena ere egiten dugu. Herrian zehar desfibriladoreak ezarriko dira eta ikastaroak emango dira erakusteko nola erabiltzen diren. Arana kaleko bizilagunekin elkarlana burutuko da bertako bizikidetza indartzeko. Gizartearen zahartzea etorkizuneko erronka handienetakoa dela iruditzen zaigu eta hori aurrea hartzeko eta adineko beasaindaren ongizatea bermatzeko, lehen urtetik ekimen berritzaileak jarri genituen eta horiei ere eutsi egingo zaie (Beasain Lagunkoia, ondo ibili ondo izan eta dementziarekin zerikusi duten Goiz Alzheimer eta Goiz zaindu programak). Pertsona adinentzako kirol guneak egokitzen jarraituko dugu eta Kirol kontsultategiaren zerbitzua dauden behar berrietara egokitzeko proposamena dakarkigu. Horrezaz gain gure nortasunaren aldekoak diren kirol jarduerak eta euskararen erabilera sustatzeko neurriak proposatzen ditugu. Kulturen, Igartza musikarekin zerikusia duten programak mantentzen ditugu eta “dantzan.eus”ekin dugun proiektuarekin ere aurrera jarraitzea proposatzen dugu. “Dantzan.eus”etik datorren proposamenetarikoa bat bonberiarri lotzea da. Ea hori aktibatzeke gai garen. Kirolean sariak emateko proposamena mantentzen dugu, kiroldegirako inbertsioarekin jarraituko da, Igartza futbol zelaian belar artifiziala jartzeko proposamena egin du alderdi sozialistak eta baldintzatuta bada ere onartu eta aurrekontuetan aurreikusi da.

Skate gunea eta kiroldegiko taberna egokitzea ere bai. Hizkuntza politikan, Garabiderekin dugun hitzarmena mantentzea proposatzen dugu, hizkuntza errefortzuarekin batera eta euskaraldiarekin ere jarraituko genuke 2019an. Udaleku itxiak egingo dira eta kirol elkarteetan euskara sustatzeko programekin jarraitzeaz gain, eskola kirolean ere euskara sustatzeko saiakera egingo da eta horretarako ere dirua jarriko da. Aipatutakoaz gain, inbertsio nagusienak ondorengoak: Igartzako urmelerako 30.000,00 €, erakusketa aretoko irisgarritasuna, natur bidean, urbi etxean lokalak erostea, Usurbe antzokia zaharberritzea (2018an proiektua landu da eta 2019ko udaran exekutatu da), Gernika Pasealekuan segurtasuna bermatzeko eta aparkalekuak gehitzeko proiektua egitea proposatzen da, Dolarea parkea berritzea eta hori alderdiok buruak dabilkigun S. Inazio kalearekin zer egin aztertzeko 100.000,00 € jarri da azterlan eta proiektuetarako. Beste azterlan bat ere egin nahi da, hain zuzen ere, XVI. mendean emakumearen presentzia nolakoa zen jakiteko. Gure nahia eta borondatea, beste urteetan bezala, oposizioak aurkeztutako proiektuekin gure aurrekontua aberastea izan da eta lehen esan ditudanaz gain, etxeko indarkeria arreta zerbitzua jartzea proposatu du alderdi sozialistak, aipatutako Igartzako futbol zelaiko belar artifiziala, Oria Pasealekuan barandila bat pintatzea eta zintarriak dituzten izkina zorrotzak jaten joatea. EH BILDUren proposamenak hauek izan dira: gaztetxea dagoen eraikinean mantenurako dirua jartzea, parkeetan jolas inklusiboak kontuan hartzea, kiroldegiko tasak berrikustea eta adineko pertsonen inguruko giza-azterketa egitea, ke detektailuak jartzea 80 urtetik gorako pertsonak dauden etxeetan.”

Hitz egiteko txanda eman ondoren, honelakoak aurkeztu dira:

Angel Redondo jaunak (Socialistas Vascos-Euskal Sozialistak): “El próximo año es año de elecciones y por esa razón va a ser difícil ejecutar este presupuesto en su totalidad. Si queremos decir que se han incorporado las propuestas que hemos hecho: el cambio de hierba artificial en Igartzako, el desarrollo del programa para las víctimas de violencia de género, pero con un punto de vista más igualitario en el sentido de que también se atiende a hombres víctimas de violencia en el ámbito familiar. Somos perfectamente conscientes de que es menor el número de víctimas hombres que mujeres, pero los hay. Queremos que el trabajo que ha venido desarrollando esta asociación con grupos de mujeres, se puede ver favorecido con en este enfoque mixto. También está el estudio para la reforma de la calle S. Inazio y el compromiso de mantenimiento de diferentes elementos urbanos como el pintado de barandillas. Es por eso que vamos a dar nuestro sí a estos presupuestos.”

Aitor Larburu jaunak (Beasaingo EH BILDU): “Guk aurka bozkatuko dugu. Arrazoi nagusia da gure pazientzia agortu dela. Legealdi hasieratik hasi ginen udal gobernu honekin eta zuek hartutako lehenengo erabakia izan zen, gure aurkako bozkarekin, zuen soldatak ministroen soldataraino igotzea. Bigarren neurria izan zen, gure legealdian aurrera emandako hainbat ekimenen aurkako proposamenak bideratzea. Bai, erabaki politikoen bidez eta baita ere erabaki judizialen bidez. Erabaki politikoekiko, herritarrek esango dute ondo edo gaizki hartu dituzuen. Judizialki, ordea, nahiko gaizki eta nik esango nuke Beasaingo Udalak ridikulua egin duela zuek epaitegietara eramandako ekimenekin. Batzorde kopurua ere aldatu egin zen. Guk proposamen batzuk egin genituen eta ez zitzaigun aintzakotzat hartu. Orain etxe honetako funtzionamendua da, oposizioa mesprezuz tratatzea, ezertarako kontutan izaten ez gaituztelako. Momentua iritsi da esateko, orain arte iritsi garela!. Horri lotuta esan beharra daukagu zuen kanpainan esan zituztenak egin behar zenituztela, ez dituzuela bete, adibidez: zubia, bomberia, trena etab. Legealdi honetan egin diren

hainbat proposamen, bai batzordeetan, bai aurrekontuetan ez dira bete, hala nola, Olaran (anekdota gisa esan, oraingo Alkateak aurreko legealdian guri leporatzen ziguna, alegia, Olaran estankatua izatea), Dolarea parkea. Alderdi sozialistak eta baita EAJk aurreko legealdian leporatzen ziguten beste gaia zen, Igartzaren kudeaketarekin ez zela aurrera pausorik eman. Nik dakidala berdin jarraitzen dugu. Berdin edo okerrago. Egin duzuen gauza bakarra izan da, futbol zelaia eta majo kostatu zaigu beasaindar bakoitzari. Horrezaz gain esan, atzo enteratu ginela Igartzako esleipenarekin zerbait pasa dela. Guri oso larria iruditzen zaigu. Plenoak erabakia hartu zuen enpresa bati Igartzaren kudeaketa esleitzea eta non enteratzen gara, hori ez dela posible errekurtsioa egon delako eta udala harremanetan dagoela errekurtsioa jarri duen enpresa horrekin elkarlan batera iristeko. Guk errekurtsio horren berri ez genuen. Gaia oso larria da eta azalpenak eskatzen ditugu. Beraz, esandako guztiarengatik aurka bozkatuko dugu.”

Alkatea jaunak (EAJ-PNV): “Antolaketari buruz egia da aurkako bozka eman zenutela baina nik uste dut eta begien bistan jarriko da publikoa egingo delako, azkeneko urteetan zein informazio helarazten ari garen oposizioari batzordeetarako edo lanketarako. Udal honek inoiz ez du ezagutu horrelako informazio zehatza lanerako oposizioaren eskura jarri izana. Hori guk esatea erraza da. Publiko egingo da gaur egun oposizioaren eskua uzten diren datu guztiak. Horrezaz gain bozeramailearen batzordea ere eratu zen eta bertan inoiz ere ez zaio oposizioari hain natural, astero egiten diren bileretan, aukerarik eman edozer gauzaz iritzia eman , aintzakotzat hartu eta gauzatzeko. Adibidez: pertsonal arloan, edozein obra egikaritzeko...Esan dezue Dolarean ez dela ezer egin baina, aurreko urtean zuen proposamena izan zen proiektua egitea eta gero proiektu hori gauzatzea. Proiektua egina dago eta gauzatzeko Ur Agentziaren erantzunaren zain gaude. Gustatu edo ez, adostasunez aurrera ateratako proiektua da. Olaranekin ez dela ezer egin eta zuek ez zenutela ezer egin...Olaranen parte hartze prozesua egiteaz gain, gutxienez bertako lurrak garbitu dira, aurrerantzean edozer gauza egin ahal izateko. Hori aurtan egin da eta pixkanaka bada ere, Olaran ari da, edozetarako, prestatzen.Trenak bere horretan jarraitzen duela esaten duzu. Ez da lau urteko lana. Nekez lortuko dugu baina, epe luzekoak epe motzean mugitzen ez baditugu, epe luzera ezer egitea ere ez dugu lortuko. Bonberriko zubia gure asmo bat zen. Guri egokia iruditzen zaigu Arana kalea fondo modura geratu beharrean, pasoko tokia izatea, bertan merkataritzak ere tokia izateko. Gipuzkoa plazako aparkalekua bertan dago eta modua izan daiteke pasarela batekin bata bestearekin lotzea. Gaur egun oinezkoentzako pasarela egitea badago bain, egitekotan 5 m. igo beharko genuke ur-laminatik. Uholdegarritasun hori jaisten ez den bitartean ez da egitea komeni. Egia da lantzen ari garen eta kostatzen ari den zerbait izango dela CAF eremuan uholdegarritasuna jaitea. Ur Agentziarekin proiektua lantzen ari gara eta gauzatzen denean erreka zabaldu ahal izango da. Erreka zabaltzearekin batera, Ezkiaga auzoko porteria parean ematen badu behintzat, etxeetako espaloia zabalduko, norabide bikoitza berreskuratu litzateke eta bidegorri eta espaloia utziko lirateke. Bertakoentzat bada ere onura gehiena, uholdegarritasuna jaitsiko litzateke eta hori horrela izanda oinezkoentzako pasarela hori egitea egingo litzateke altueran igo gabe. Egia da proiektuak lau urteetan egitea kosta egiten direla. Zuek baduzue horretan eskarmentua!, Behar bada, zuk esan bezala Aitor, 2019ko maiatzaren 26an jendeak baloratuko gaitu eta ikusiko da egiten ditugunak saririk duen edo jendeak onartzen dituen.

Igartza: egia da Udal honek aho batez Igartzarako esleipena gaur egun kudeatzen jarraitzen duen eta aurretik zegoen enpresaren aldekoa egin zuela eta errekurtsioa

egon dela. Errekurtsoa ebazten duen jakinarazpena urrian iritsi da eta udal honek aho batez hartutako erabakiaren aurkakoa da. Ebazpena aztertzen ari gara. Iruditzen zaigu ebazpen horrek bide ezberdinak izan ditzakeela, baina dela hartutako beharreko erabakia, hala beharrez, Plenotik pasatuko da.”

Aitor Larburu jaunak (Beasaingo EH BILDU): “Matizazio txiki bat. Ez zen aho batez izan. Gu abstenitu egin ginen. Bozeramaile talde astero biltzen dela eta, baina gai honetaz ezer ez da aipatu bozeramileen egiten duen bileretan. Guk idazkariaren txostena eskatzen dugu emandako prozeduraren bilakaerari buruz eta ditugun aukerei buruz.”

Alkatea jaunak (EAJ-PNV): “Abstenitu bazineten barkatu baina esleipena behintzat egin zen inolako aurkako botorik gabe. Txostenak dudarik gabe egin daitezke. Gaur bozeramaile taldearen bileran aipamen bat izanda. Iruditzen zaigu aipamen gehiago ere beharko direla eta erabakiak ere hartuko beharko direla, baina gauza asko lantzen direnean prudentzia ere inportantea dela esango nuke. Gauza bat da gauzak ezkutatzea eta beste bat prudentziarekin jokatzeko. Nik denbora eskatuko nizuke, gaia landu eta ea zertan amaitzen den, zeren eta gaur egun hor dagoen enpresaren aurkako ebazpena da iritsi zaiguna eta gure ustetan egiten ari den lana ona da eta hori babesteko zeregina ere badugu. Beraz, Ebazpen horrek bere bidea egingo du eta ea non bukatzen den. Denbora eskatzen dugu lanketa egiteko. Eman beharreko azalpenak Plenoan emango ditugu.”

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 10 (EAJ-PNV, Sozialistas Vascos-Euskal Sozialistak)
Aurkako botoak: 6 (Beasaingo EH BILDU)
Abstentzioak: 0
Etorri gabea: 1 (Socialistas Vascos-Euskal Sozialistak)

Horren ondorioz, gehiengo absolutuarekin onartu da, 2019. urterako aurrekontua.

b.- Kreditu aldaketa. Kreditu gehigarriak (3 zk.). Kiroldegian obrak egitea (emergentzia bidez egitea).

Alkateak ondorengo proposamenaren berri eman du:

“Honekin batera doan proposamenean zerrendatutako gastuak egin beharra izanik eta hauek finantzatzeko aurrekontu kreditu nahikoa ez dagoela kontutan hartuz, Alkatetza honek Udaltzari ondorengo Akordio Proposamena egiten dio:

1.- 3. Kreditu gehikuntzen bidez 50.000,00 euroko zenbatekoaz eta eranskinean zehazten den moduan finantzatzen diren kreditu aldaketak hasiera batean onartzea.

2.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.”

GASTUAK ETA KREDITU ALDAKETA EGITEKO PROPOSAMENA

Zerrendatutako gastuak gauzatzea premiazkoa denez -horien gauzatzea ezin baita atzeratu-, zerbitzu horiek egiteko erritmoa eteteak edo, hala badagokio, horien kudeaketa mailak behera egiteak kalte handiak sortuko bailituzke, eta hauek finantzatzeko aurrekontu kredituak nahikoak ez direla edo krediturik ez dagoela kontuan hartuz, proposamen hau egin da indarrean dagoen aurrekontu egiturari egokituta.

Aurrekontuko kontu saila	Kontzeptua	Kredituak		
		Egunoak	Aldaket.	Behin betikoak
1.0000.211.340.00.01	Konponk.: saskibaloi-kantxako pareta	0,00	50.000,00	50.000,00
GUZTIRA		0,00	50.000,00	50.000,00

KREDITU GEHIGARRIAK FINANTZATZEKO PROPOSAMENA

Sarrerren kontzeptuak edota gastuen kontu-sailak	Baliabidearen kontzeptua	Sarrera handiagoak edota gastuetako bajak
2.0000.870.000.00.01	Gastu orokorretarako diruzaintzako gerakina	50.000,00
GASTUEN GEHIKUNTZAK GUZTIRA		50.000,00

Alkateak azaldu du urgentziazko gaia dela, kiroldegian erortzeko zorian dagoen pareta bat dagoelako eta hori gertatu baino lehen beharrezkoa delako botatzea sor ditzakeen kalteak saihesteko.

Ez da iritzirik aurkeztu proposamenarekiko. Bozketa eginda, aho batez onartu da proposamena.

3.- ANTOLAKUNTZA BATZORDEKO PROPOSAMENAK:

a.- 2019rako plantilla eta lanpostuen zerrenda Beasaingo Udala eta bere organismo autonomoentzat (2018PEBO0082)

Ezagutzera eman da, antolakuntza batzordearen proposamena, hots:

“AURREKARIAK

LEHENA.- Toki-erakundeen antolakuntza eta Jarduera araudiko 172) artikuluan ezarritakoaren arabera eta 2018ko urriaren 2ko Alkatetzaren Probidentziak dioena betez, Antolakuntza eta Giza Baliabidetako Teknikariak ondorengo aurrekarietan oinarrituz beharrezkoak izango diren puntuen inguruko txostena egiten du.

1. HUTSIK DAUDEN PLAZAK ETA ALDAKETAK: Gaur egun pertsonaleko plantila desberdinetan hutsik dauden plazak edo aldaketak ondorengoak dira:

BEASAINGO UDALA

Diruzain plaza bat, Foru Aldundiak 2018-3-1eko eragin datarekin C1 taldeko langile bat izendatzen du Diruzaintza lanpostuko zereginak betetzeko behin behineko izaerarekin, legedian araututako horniketa moduren batekin bete arte.

Arlo ekonomikoko /profil juridikoa Teknikari plaza bat. 2018ko LEPan sartuta. Oposizio-lehiaketa.

Zergabilketako Administrari plaza bat. 2018ko LEPan sartuta. Oposizio-lehiaketa.

Antolakuntza eta Giza Baliabidetako Teknikari plaza bat. 2018ko LEPan sartuta. Barneko lehiaketa espezifiko.

Pertsonal gaietarako eta nominetako Administrari plaza bat. 2018ko LEPan sartuta. Barne Promozioa.

Udaltzaingoko Agente plaza bat. 2018ko LEPan sartuta. Oposizio-lehiaketa. Arkauteko Akademian hautaketa bateratuaren bidez garapenean dago prozesua.

Administrazio Orokorreko Administrari 2 plaza. 1 + 1(%50). Oposizio-lehiaketa. Gizarte Ongizate Sailera atxikita eta 2017ko LEPan sartuta. Oposizio-lehiaketa. Gaur egun garapenean.

Behin behineko izaerarekin betetako 2 plaza hutsak. Hauetako bat Zerbitzu Sailera atxikita eta bestea Arlo ekonomikora.

Asistente sozial 2 plaza. 2017ko LEPan sartuta. Oposizio-lehiaketa. Gaur egun hautaketa prozesuan.

Obra eta mantenimendurako langilearen plaza bat.

Liburutegiko Arduradun plaza bat. Postuaren profilaren azterketaren zain.

BEASAINGO OINARRIZKO KONTSERBATORIOA

Tronpeta irakasle baten plaza hutsa eta behin behineko izaerarekin beteta. Musikako irakasleen 8 plaza hutsak, beste horrenbeste finko ez jarraien atxikipenekin.

ANTZIZAR KIROL ERAKUNDEA

Ez da plaza hutsik ikusten.

UDAL EUSKALTEGIA

Ez da plaza hutsik ikusten.

2. *EKITALDIAN ZEHAR ALDAKETAK: 2019 urtean zehar, lanpostu batzuetan aldagetak emango dira aurretiazko erretiroen ondorioz. Ondorengoak aurreikusi daitezke:*

BEASAINGO UDALA:

Kultura eta Euskarako Koordinatzailea: 2018ko maiatzaren 4an %25eko erretiro partzialeko egoera batera pasatzen da errelebu kontratu bidez. Horretarako, errelebulari bat kontratatu da Kultura eta Euskarako Koordinatzailea behin betiko jubilatu arte. Erretiro partziala metatu egingo da, beraz, Koordinatzailearen presentzia 2019ko maiatzaren 4a artekoa izango da.

Udaltzaingoa. 2018ko aurrekontuetan Udaltzaingoko aurretiazko erretiroa garatzen duen dekretua posible dela indarrean sartzea iragarri da. Neurri honek ondorengo plazetan izango du eragina:

- *Udaltzainburu bat.*
- *Agente Lehena bat.*
- *Agente bat.*

EUSKALTEGIA:

Euskaltegiko Zuzendaria 2018ko abenduaren 26an errelebo egoera batera pasako da, beraz, 2019 urtean zehar lan kontratudun bat mantenduko da errelebulari moduan. Egoera mantenduko da plazaren titularren behin betiko jubilazioa eman arte.

ANTZIZAR KIROL ERAKUNDEA:

Mantenimendu langilea 2019. Urtean zehar errelebulariak jarraituko du. Mantenduko da plazaren titularren behin betiko jubilazioa eman arte.

3. *PLAZAK ETA LANPOSTUAK SORTZEA EDOTA ALDATZEA:*

PLAZAREN IZEN ALDAKETA

2018ko ekainaren 20an, Gipuzkoako Gizarte Langintzaren Elkargo Ofizialetik asistente sozialen izen aldaketa eskatu zen, bai plantila organikoan eta baita ere lanpostuen zerrendan, Gizarte Langileak izatera pasatuz.

Asistente sozialen terminoa alde batera utzi beharrean gaude gaur egungo giza eskubideen gizarte batean.

Gainera, 1981. Urtean Gizarte Laguntzaileen Eskolak Gizarte Laneko Eskola Unibertsitarioak bihurtu zirenetik, nomenklatura hau zaharkituta dago.

Beraz, proposatzen da, bai 2019ko Plantila Organikoan eta baita ere Lanpostuen Zerrendan aldaketa gauzatzea aipatuz Asistente soziala / Gizarte Langilea.

4.- *Dedikazioa duten postuen inguruan, Beasaingo Udalean orain arte daudenak mantentzen dira:*

- *Aparejadorea, 9.306,09 €/urtean.*
- *Zerbitziburua, 9.306,09 €/urtean.*
- *Udaltzainburua, 9.731,36 €/urtean.*
-

4.1. Beasaingo Loinatz Musika Eskolan Dedikazio osagarria kontzeptua Irakasleen bi postuetan mantentzen da.

Zuzendaritza lanpostua: 11.036,62,43 €

Biolina irakaslea: : 7.355,70 €

5. *Egindako dokumentuetan 2018 ekitaldirako onartutako plaza kopuru berbera mantentzen da.*

BIGARRENA.- *Proposamen guzti hauek sindikatuen ordezkariekin adostuak izan dira urriaren 11n, urriaren 30eko 5/2015 Legegintzako Errege Dekretua, Enplegatu Publikoaren Oinarritzko Estatutuaren Legeko testu bateratua onartzen duena, 34 eta 37 c) artikuluek diotenaren arabera.*

HIRUGARRENA.- *Plantilaren inguruan, Tokiko Araubidearen Testu Bateratuko 126.1 artikulua dio, lanpostu guztiak agertu beharko direla behar den bezala sailkatuta, pertsonal funtzionarioei gordetakoak, pertsonal laborala eta behin behineko pertsonala; urtero onartuko dira aurrekontuarekin batera –eta bere izapide berdinekin, beraz, haserako onarpena, hamabost eguneko jende aurreko erakusketa eta behin betiko onarpena, izan ere, Aurrekontuaren prozedura bereberek onartzen da- eta arrazionalizazio, ekonomia eta eraginkortasun printzipioak bete beharko dituzte eta ekonomiaren antolaketa orokorrarekin batera ezarri beharko dira.*

Baita ere bete beharko dira Toki Jaurbide arloan indarrean dauden Lege xedapenen inguruko Testu Bateratuaren 126.2 artikuluan zehaztutako printzipioak, gastuaren hazkundearen konpentsazioa eta beste unitate batzuen murrizketaren inguruan.

LAUGARRENA.- *Bai plantilari eta baita ere lanpostuen zerrendari lege ezarrita dagoen publikitate eman beharko zaie (Toki Jaurbidearen oinarriak arautzen dituen Legearen 70.2 artikulua) Gipuzkoako Aldizkari Ofizialean argitaratzean indarrean sartuko da eta apirilaren 2ko 7/85 Legea, Toki Jaurbidearen oinarriak arautzen dituen Legearen 65.2 artikulua eta 70.2 artikuluari buruz diotena jarraituz, 15 egunetako epea igaroko da.*

BOSGARRENA.- *Udaleko Batzarrari dagokio akordio hau onartzea, apirilaren 2ko 7/1985 Legearen 22.2 i) artikulua dioena jarraituz.*

Horiek horrela, Udalbatzari proposatzen zaio, Antolakuntzako Batzorde Informatzailearen aldeko irizpena eman ondoren, ondorengo AKORDIOA:

LEHENA.- *Beasaingo Udaleko eta bere erakunde autonomoetako pertsonal funtzionario eta pertsonal laboralaren plantila hasera batean onartzea, Akordio honen eranskin moduan agertzen denez.*

BIGARRENA.- Jende aurreko erakusketan jartzea Gipuzkoako Aldizkari Ofizialean iragarri aurretik, erreklamazioak egin ahal izateko.

HIRUGARRENA.- Behin betiko onartzen denean, Estatuko eta Autonomia Erkidegoko Administrazioa kopia igorriko da eta Gipuzkoako Aldizkari Ofizialean argitaratuko da, ezagutzarako eta indarrean sartzeko.

Alkateak esan du 2019ko plantila transizioko plantila dela erabaki gehienak 2018ko plantilan hartu zirelako eta orduan hartutako erabakiak orain exekutatzen ari direla.

Ez da iritzirik aurkeztu proposamenarekiko. Bozketa eginda, aho batez onartu da proposamena.

b.- Aldizkako epemuga ez duten zorren gerorapenerako eta zatikapenerako irizpideak (2018EKBO0090)

Ezagutzera eman da, antolakuntza batzordearen proposamena, hots:

*“2009ko azaroaren 27an onartu eta behin eta berriro luzatu den erabakiaren arrazoiek jarraitzen dute. Horregatik, hain zuzen ere, Antolakuntza Batzordeak Udaltzari **proposatzen dio 2.019ko abenduaren 31ra arte luzatzea lehengoko akordioaren indarraldia.***

Ekonomia eta finantza alorrean gaur egun bizi den krisialdi familietan eta enpresen eguneroko trafikoan likidezia falta eragiten ari da. Likidezia hori behar-beharrezkoa dugu gure sistema ekonomikoan dauden obligazioei, eta besteak beste, zerga arlokoiei, aurre egin ahal izateko. Hau guztiarengatik eta udal ogasunari egin beharreko ordainketak erraztearen alde kontutan izanik egungo finantza krisialdiak sorturiko ezohiko inguruabarrak, egokia ikusi da aldizkako epemuga ez duten zorren gerorapen eta zatikapenerako irizpideak arautzea..

Azaldutakoaren arabera eta Gipuzkoako Lurralde Historikoko Zergen Foru Arau Orokorrak 64.5 artikuluan xedatutakoaren babespean, Antolakuntza Batzordeak Udaltzari ondorengo akordio PROPOSAMENA egiten dio:

1.- Borondatezko epean dauden aipatutako zorren ordainketa geroratu eta zatikatu ahal izango da betebeharpekoaren egoera ekonomiko eta finantzarioak, organo eskudunaren iritziz, ordainketa egitea eragozten badio aldi baterako.

2.- Ordainketak Geroratzeko eta Zatikatzeko irizpide orokorrak ondorengo hauek izango dira:

a. 800 eurotik beherako zorrak:

- Gerorapena:

a.1. 100 eta 200 euro artean: 1 hilabete

a.2. 201 eta 400 euro artean: 2 hilabete

a.3. 401 eta 600 euro artean: 3 hilabete

a.4. 601 eta 800 euro artean: 4 hilabete

- Zatikapena

a.5. 100 eta 200 euro artean: 1 hilabete

a.6. 201 eta 400 euro artean: 2 hilabete

a.7. 401 eta 600 euro artean: 3 hilabete

a.8. 601 eta 800 euro artean: 4 hilabete

b. 800 eurotik gorako zorrak:

- Gerorapena:

b.1. 800 eta 12.000 euro artean: 6 hilabete

b.2. 12.001 eta 24.000 euro artean: 12 hilabete

b.3. 24.001 eta 36.000 euro artean: 18 hilabete

b.4. 36.001 eurotik aurrera: 24 hilabete

- Zatikapena:

b.5. 800 eta 12.000 euro artean: 6 hilabete

b.6. 12.001 eta 24.000 euro artean: 12 hilabete

b.7. 24.001 eta 36.000 euro artean: 18 hilabete

b.8. 36.001 eurotik aurrera: 24 hilabete

- Organo eskudunak, kasu bakoitza aztertu eta gero, gerorapen edo zatikapena onartzea erabakiko du. Organo eskudunak, zehaztuta ez dauden ordainketa epeak onartu ahal izango ditu, beti ere zehaztuta dagoen gehiengo epea gainditzen ez den bitartean.

3.- Borondatezko epea amaitu ondorengo 12 hilabete edo gutxiagoko epeko gerorapen eta zatikapenak ez dute interesik sortuko.

4.- Berandutza eta zatikapena onartuz geroko lehen urtea igaro ondoren, zordundutako kopuruengatiko diruaren interes legala sortuko da.

5.- Oro har, araudi honen arabera emandako gerorapen eta zatikapenetan ez da bermerik eskatuko.

6.- Epealdi bakar baten ordainketa betebeharra haustea nahikoa izango da zatikapen edo gerorapen emakida bertan behera gelditzeko eta epe exekutiboa hasteko. Horrela, geroratutako zorra, interesak eta dagokion gainkargua eskatuko dira.

7.- Araudi honetan xedatutako baldintzen arabera gerorapenak eta zatikapenak emateko Alkateari ematen zaio eskumena, Antolakuntza Batzordearen aurretiazko aldeko eta nahitaezko proposamenaren arabera.

8.- Araudi honen indarraldia 2.019ko abenduaren 31ra arte luzatzen da.”

Hitz egiteko txanda eman ondoren ,ez da iritzirik aurkeztu proposamenarekiko.

Horren ondorioz, bozketa eginda, aho batez onartu da proposamena.

c.- Lankidetza hitzarmen markoa, Euskal Autonomia Erkidegoaren Administrazioaren eta Beasaingo Udalaren artekoa, Ertzaintza eta Udaltzaingoa elkarlanean aritzeko dena (2018UDBO0114).

Antolakuntza batzordearen ondorengo proposamenaren berri eman da:

“AURREKARIAK

1.- Euskal polizia-eredua Euskadiko Poliziak osatzen dute, eta hori Ertzaintzak Eusko Jaurlaritzaren menpe eta Euskadiko udalerrietako Udaltzaingoei Euskadiko udalerrien menpe osatzen dute.

2.- Euskadiko Segurtasun Publikoaren Sistema Antolatzeko ekainaren 28ko 15/2012 Legearen jasotako oinarritzat hartuta.

3.- 2018ko azaroaren 13an, aipatutako Hitzarmen Markoari atxikitzeko borondatea adierazten duen Komunikazioa bidaltzen da.

4.- Hitzarmenak aipaten dituen atalak hauek dira:

a.- Euskadiko Segurtasun Publikoaren Sistema Antolatzeko 15/2012 Legea.

b.- Azalpenak: Ertzaintza eta Beasaingo Udaltzaingoaren arteko lankidetza bultzatu bakoitzak dituen funtzioak finkatzeko, errekurtsioak hobeto erabiltzeko helburuarekin.

c.- Klausulak:

- Xedea. Ertzaintza eta Beasaingo Udaltzaingoaren arteko lankidetza eta elkarlaneko moduak eta prozedurak arautzea.

- Printzipioak. Ertzaintza eta Udaltzaingoaren arteko lankidetza eta elkarlana aipatutako legean jasota daudenak izango dira.

- Zerbitzuak zehaztea.

- Dispositiboak, operazioak eta intzidentziak.

- Batera jarduteko protokoloak edo planak.

- Presentzia polizialaren estandar orokorrak.

- Informazio-trukea.

- Euskadiko Poliziaren Datu Bilketarako Zentroan parte hartzea.

- Koordinazio operatiboa.

- Interkomunikazioa / aginte eta kontroleko zentroen integrazioa.

- Udaltzaingoei polizia judizialaren funtzioetan parte hartzea.

- Komunikazio instituzionala.

- Emaizak ebaluatzeko adierazleak.

- Jarraipeneko batzorde mistoa.

- Hitzarmena aldatzea.

- Hitzarmenaren araubide eta auziak.

- Indarraldia eta azkentzea – 2020ko abenduaren 31n – adostea hitzarmena luzatzea, gehienez beste lau urte edo azkentzea.

PROPOSAMENA:

Horren ondorioz, Antolakuntza batzordeak Udalbatza Osoari ondorengo erabaki proposamena egiten dio:

Lehenik.- Beasaingo Udaleko Alkate / Lehendakariari, hitzarmen hau sinatzeko ahalmena ematea.

Bigarren.- Hitzarmena bidali Eusko Jaurlaritzako Segurtasun Zuzendaritzara.”

Hitz egiteko txanda eman ondoren ,ez da iritzirik aurkeztu proposamenarekiko.

Horren ondorioz, bozketa eginda, aho batez onartu da proposamena.

4.- LURRALDE BATZORDEKO PROPOSAMENAK:

a.- Eraikinen eta lokalen garbiketa zerbitzua: kontratua lagatzeko proposamena (2016ZEBO0026).

Lurralde batzordearen ondorengo proposamenaren berri eman da:

“AURREKARIAK

I. 2016-09-29an kontratu administratiboa sinatu zen, UNION INTERNACIONAL DE SERVICIOS INTEGRALES UNI 2, S.A.rekin “Beasaingo udal eraikin eta lokalen garbiketa zerbitzua” prestatzeko. Kontratuaren egikaritze epea, 2019-09-29artekoa da eta gehienez ere hiru urtez luzatzeko aukera dago.

II. 2018-09-26ko idatziaren bidez (2018-10-10eko erregistro sarrera data, 3242 zenbakia), UNION INTERNACIONAL DE SERVICIOS INTEGRALES UNI2, S.A. eta ISS FACILITY SERVICES, S.A., enpresen ordezkariak sinatutako idatzia aurkeztu zen, UNI2 enpresari baimena emateko aipatutako kontratua ISS enpresari lagatzeko. Horretarako, enpresa honek kaudimen ekonomiko nahiz teknikoa betetzen duela kreditatzen du, ondorengo dokumentuak aurkeztuz:

1.- 2017. urtearekiko dagokion ISS enpresaren urteko kontuak eta 2018-05-15eko auditoria txostena urteko kontuei buruzkoa.

2.- “ISS EUROPEAN CLEANING SYSTEM, S.A.”, sozietatearen eratze eskritura, 1999-02-26koa (774, prokolo zenbakia) eta estatutu sozialak.

3.- 2004-03-09ko izendapen soziala aldatzeko buruzko eskritura. “ISS FACILITY SERVICES, S.A.” deitzea pasatzen da.

4.- Enpresaren klasifikazioa: U Taldea, 1 Azpitaldea, 5. Katgoria.

III. Udalak errekerituta, ondorengoa aurkeztu da:

1.- ISS FACILITY SERVICES, S.A.”enpresak, Eduardo Peris Plaza bere ordezkariaren alde emandako ahalmen notariala.

2.- ISS FACILITY SERVICES, S.A. enpresak, Administrazioarekin kontratatzeko debekurik ez izatearen aitortpena.

IV. Kontratua arautzen duten onartutako baldintza pleguetan (administratiboa eta teknikoa), ez da ezer esaten kontratuaren lagapenari buruz. Kontratu administratiboak ere ez du ezer aipatzen horretaz, baina BAI esaten du bertan

aurreikusten ez denarekiko, Sektore Publikoaren Kontratu-Legearen Testu Bateratua (azaroaren 14ko 3/2011 Erret Dekretu Legegilea) aplikatuko dela.

OINARRI JURIDIKOAK

Kontratuen lagapen araubidea, Sektore Publikoaren Kontratu-Legearen Testu Bateratuaren (azaroaren 14ko 3/2011 Erret Dekretu Legegilea), 226 artikuluan jasotzen da.

Egiaztatu da, aipatutako artikulua adierazten dituen baldintza guztiak betetzen direla, lagapena gauzatu ahal izateko, hau da:

1.- Lagatzen duenaren ezaugarri tekniko eta pertsonalak ez ziren determinanteak izen kontratua berari esleitzeko.

2.- Lagapenak ez du eraginik izango merkatuaren lehian.

3.- Lagapenak ez du suposatzen kontratistaren funtsezko ezaugarrien aldaketa.

4.- Kontratua gutxienez ere %20an gauzatua egotea. Kontratuari hasiera eman zitzea 2016-10-1ean eta 2019-09-29an amaitzen da. Hiru urteko egikaritze epealditik, bi exekutatu dira.

5.- Lagatzen zaionak Administrazioarekin kontratatzeke ahalmena eta behar den kaudimen eta klasifikazioa izatea.

Lagapena baimentzea, Plenoari dagokio, berak erabaki bait zuen lizitazioa egitea eta kontratua esleitzea.

Horren ondorioz, Lurralde batzordeak Udalbatza Osoari ondorengo erabaki proposamena egin dio:

Lehenik. UNION INTERNACIONAL DE SERVICIOS INTEGRALES UNI 2, S.A., enpresari baimena ematea "Beasaingo udal eraikin eta lokalen garbiketa zerbitzuari" buruzko kontratua, ISS FACILITY SERVICES, S.A. enpresari lagatzeko.

Bigarren. Lagapena baldintza hauekin ematen da:

- Lagapena eskritura publikoan formalizatuko da.

- Lagapen-eskritura formalizatu ondoren eta kontratuaren hartzaileak fidantza aurkeztuta eta gero, bere garaian kontratua lagatzen duenak aurkeztutako bermea itzuliko da.

Hirugarren. Erabaki honen berri, lagatzen duenari eta kontratua hartzaileari ematea, beronen aurka aurkeztu daitezkeen errekursoen aipamena eginez."

Hitz egiteko txanda eman ondoren ,ez da iritzirik aurkeztu proposamenarekiko.

Horren ondorioz, bozketa eginda, aho batez onartu da proposamena.

5- ALKATEAREN EBAZPENAK. 2018ko urriaren 22tik azaroaren 26ra bitarte emandako Ebazpenak.

Ezagutzera eman dira 2018ko urriaren 22tik azaroaren 26ra bitarte emandako Ebazpenak.

6.- ESKAERA ETA GALDERAK

Eskaera eta galderetan honelakoak aurkeztu dira:

IGARTZAKO MONUMENTU MULTZOA KUDEATZEKO ESLEIPENA

Plenora etorri den pertsona batek adierazi du Igartzako monumentu multzoa kudeatzeko esleipenarekiko errekurtsorearen Ebazpena ezagutu eta idazkariak emango duen txostenaren berri ere izan nahi duela. Galdetu du ea bere garaian DOLAREAK Igartzako kudeaketaren arduraduna izan ostean zuen zorra ordaindu zuen eta ordainketa hori nola egin zuen.

Alkateari, prudentziarekin jokatzeko horrek zer esan nahi duen azaltzeko eta gertatutakoaren balorazio politikoa egitea eskatu dio.

Idazkariak, aldezturik Alkateari hitza eskatuta, adierazi du Ebazpena Euskadiko Kontrataziorako plataforman argitaratuta dagoela eta OARC ere bere Ebazpenak, bere Web orrian argitaratzen dituela.

Alkate jaunak EAJ-PNV): “OARCek emandako Ebazpenaren ondorioz hartu beharreko edozein erabaki Plenoak hartu beharko du. Horrekin esan nahi dudana da publikotasuna Plenoak bermatzen duela. Ebazpenak esaten duena da gaur egun daudenak hortik kentzeko, hau da, eman den Ebazpena Pleno honek hartutako erabakiaren aurkakoa da.”

Koldo Agirre jaunak (Beasaingo EH BILDU): “Guk ez genekien errekurtsorik aurkeztu zenik. Herenegun norbait kanpotik enteratu zen orain dela hilabete pasatxo udaletxera Ebazpen hori ailegatu zela. Egia da astero bilerak egiten direla baina hori ez da tratatu.”

Angel Redondo jaunak (Socialistas Vascos-Euskal Sozialistak): “Yo tampoco sabía. Me enteré ayer por la tarde.”

Alkate jaunak EAJ-PNV): “Nik adibide bat jarriko dut (berdina ez da baina, argiak non jartzen ditugun edo non komeni zaigun jartzea...) eta gaur onartu dugun azken puntua da. Enpresa bati zerbitzua esleitu zitzaion eta enpresa horrek berak eskatu du kontratua lagatzeko baimena. Idatzia irailean sartu zen eta hori aurreko aste arte ez da inolako batzordetik pasa. Gai horri buruz ere hartuko beharreko edozein erabaki Plenotik pasatu beharko du, legeak horrela dioelako. Publikoa ezinbestean egin beharko da.

Lehen eskatu zait balorazio politikoa Ebazpen horri buruz eta hartu beharreko erabakiaren inguruan. Errealitatea hau da: bi aurkeztu ziren eta udal honek (gu barne) daudenak jarraitzearen alde bozkatu genuen, iruditzen zitzaigulako egokienak zirela.

Nik uste horrekin nahiko erantzuten dela. Beste gauza bat da OARCEk horren aurka erabaki bat hartzea eta hor lanketa bat egitea eta ikusiko dugu lanketak zer ematen duen. Prudentzia hor eskatzen da baina, berriro diot publikoa denez hemendik pasatuko da eta guk onartu beharko dugu. Horretarako bait gara ordezkariak.

DOLAREAk zuen 5.000,00 € zorraren aipamenari buruz esan, nik dakidala kitatuta dagoela.”

Alkateak, Herritarrak batzordeko Xabier Matarranz (EAJ-PNV) lehendakariari hitza eman eta honek adierazi du zorra estalita dagoela, aurkeztuta zuen fidantza exekutatu egin zitzaiolako eta ordaintzeko geratzen zena dirutan ordaindu ordezerbitzutan ordaindu zuela.

Koldo Agirre jaunak (Beasaingo EH BILDU): “Gogoratzen dut bere garaian izandako eztabaida zor hori zerbitzuetan ordaintzeko. Gu hori horrela izatearen aurka azaldu ginen eta nik egindako komentarioa izan zen nik ere hemendik aurrera nire tasak oinetakoetan ordainduko ditudala. Agian hori proposatuko dut, zeren eta aukera ona izan daiteke.”

Alkate jaunak EAJ-PNV): “Beno baina, denez gogoratu gaitezen, zeren eta zuen proposamena izan zen baita ere konstruktora bati diruz ordaindu behar zuen gauza bat bi etxebizitzekin ordaintzea eta legez posible zen. Oraingoa ere legez posible da eta onartu egin zen.”

Koldo Agirre jaunak (Beasaingo EH BILDU): “Bai, teknikoen iritzia hori zen, baina hori egitea aurreikusten zen hitzarmena zuek onartutakoa zen”

Alkate jaunak EAJ-PNV): “Bai teknikoek proposatzen dute baina zuek ez bazaudete ados, ez ekarri hona.”

Koldo Agirre jaunak (Beasaingo EH BILDU): “Plenoak onartu zuen.”

Alkate jaunak EAJ-PNV): “Berdina da. Zilegi da eta guk ez dugu gaizki ikusten. Konstruktora batek duen zorra bi etxebizitzekin ordaintzea..., antzeko iruditzen zait. Hori aurreko legealdian pasatu zen eta gu, ados gaude. Pasatzen diren gauza ezberdinak dira, egoerak dira eta udal honi tokatzen zaio horiei irtenbidea ematea ahal den moduan. Teknikoek egiten dituzte proposamenak eta guk ekartzen ditugu mahaira bozkatzeko. Nik uste dut hori dena baino, sinpleagoa dela.”

Aitor Larburu jaunak (Beasaingo EH BILDU): “Orduan guk ere hemendik aurrera horrelakoak egitea proposatuko ditugu.”

Alkate jaunak EAJ-PNV): “Legez posible bada, proposatu eta landu egin beharko ditugu. Teknikoek egingo dituzte beraien txostenak”.

Kontuhartzaileak, Alkateari alde aurretik hitza eskatuta, esan du, argitu nahi duela kontratazioaren egokitasunaz aparte, zorrak konpentsazioz kitatzea legezko figura dela eta beste hainbat zordunei egin izan zaien bezala egin zela.

Aitor Larburu jaunak (Beasaingo EH BILDU): “Nahigabe arrazoia eman didazu, hau da, badirudi, gu batzordeetara eta Plenora etortzeko bakarrik gaudela eta Igartzako kudeaketarekin egiten duzuen ere, Plenoan enteratuko garela.”

Alkate jaunak EAJ-PNV): “Ez, esan dudana da batzordetik pasatuko dela, baina legez publikoa egiteko modua, edo hori da behintzat esan nahi nuena, Plenoa dela.

Eta tratatzeko besterik ezean, bilera arratsaldeko zortziak bost gutxiagotan amaitu da eta nik, idazkari naizen honek akta hau idatzi eta sinatu dut.